

A. F. MERRILL  
TURA, ASSAM.

N E N G T A K A N I

S A L K O

M A N I A N I

F. W. Harding.

Nangni dongkakanrang  
mairongpile namnikani  
onga, O Kotokrangni Ji-  
hova!

Jihovani sararangna  
angni jenggi kapaka, oe  
sibokpila; tanggipa I-  
solna angni katong aro  
angni been inwata.

Ansenga, Nangni noko  
dongkamgiparang: ua-  
nang pangnan Nangko  
mitela. (Git 84:1-4).

g  
a  
d  
s  
k  
o  
s  
s  
b  
k  
r  
a  
ka

r  
Ne  
na  
t

Ne

## NENGTAKANI SALKO MANIANI.

1. Nengtakani Salni Nabaani A-  
sel Mandeni Been aro Gisik  
Nengani Gimin Nengtakna  
Nanganio Pangchaka.

Mandeo gisikni biding chukal-gipa okkrianirang donga ine Jisu antangan uie indine aganaha, "Mandepitaarichi tangjawa, indiba Isolni kusikoni onkakatgipa pilak katachi tanggen" (Mati 4:4). Iani ortoara, mandeo okkrianirang aro skanirang gnang jerangko ia agilsako mamungba okkaatna amja. Isolbaksa nangrimaniosan gisikni okkrianirangko okkaatna amala. "Toromna okkrigipa aro ringna sikkigiparang ansenga, maina uamangko okkaatgen" ine Jisu kurachakaha.

Mandeo toromna okkriani aro ringna skani dongani gimin mande Nengtakani Salko nangchongmota. Ia nanganiara Isolko olakina gita antiprakprako Nengtakani Salko dabia.

2. Nengtakani Salni Nabaani.

Moseni chasongna skang Ibrirang Nengtakani Salko manirongachim.

(Jak 1)



Geeta Mingchikung baksa Nengtakani Salko maniani niamko Mose mangopchapataha, Geeta Mingchikungni gisepo Nengtakani Salko manianiko geetani brigipa onge indine see onachim:

"Uko rongtala ine rakina Nengtakani Salko gisik rabo. Sal dok naa gambo, aro nangni pilak kamko kabo; indiba snigipa sal Jihova nangni Isolna nengtakani onga: uno naa mamung kamkoba kanabe, naa, aro nangni depante, aro nangni demechik, nangni nokol measa, aro nangni nokol mechik, aro nangni jillanirang, aro nangni guareni dogarangni ningoni mande agital" (Reong.20:8-10).

Niam Gitchamni chasongrang ongmiting somoio Nengtakani Sal antini snigipa sal ba Sonibar onachim. Niam Gitalo Nengtakani Sal ine seon, snigipa sal ineba mangsonga. Uan Jihudirangni Nengtakani Salko mangsongachim.

Kristianni Nengtakani Sal antini skanggipa sal ba Robibar onga. Niam Gitalo ua salko "antini skanggipa sal" ine mingronga, aroba ua salo Kristianrang tome Isolko olakirongaha (Nibo Wat.20:7; (Jak 2)



1 Kor.16:1,2). Basakoba Kristianrang antangmangni Nengtakani Salna "Gitelni Sal" ine mingskaachim (Parapea 1:10).

Nengtakani Salna antini snigipa saloni skanggipa salona Kristianrangni sreani aselara, antini skanggipa salo, ba Robibaro, Kristo siako chee sigiminrangoni chatpilani sal ongani gimin, ua ai-ao inmanbegipa ongbaaniko krae gisik rana gita ua salna uamangni Nengtakani Salna ragatskaaha. Uandake Robibarara agilsakni itihagimiko dalbatsranggipa aro mongsongbatgipa ongbaaniko gisik raatani sal ongbaaha. (Johon 20:1-18; Mati 28:1-10). Jihudirangni Nengtakani Salna Isolni skanggipa dakgimin gimikni ongbaaniko gisik raatani ongachim, indiba Kristianrangni Nengtakani Salna dalbata ongbaaniko gisik raatani onga, chongmotan Kristochi Isolni gnigipa gital dakgiminni ongbaaniko, chongmotan gisikni biding gital dakgiminko, gisik raatani onga. (Aba.2:2,3; Reong.20:11; Eph.2:10; 2 Kor.5:17; 1 Kor.15:20-22).

Kristianrangna Robibar salna  
manina kraa, maina ua salna an-  
(Jak 3

chingni toromni bebaani pang-  
chakgipa ongbaani ongbaaha aro ua  
torom bebe onga ine Jisu Kristoni  
chakatpilaniara mesokaha. Uasan  
ongaijachim, indiba unsalo kenbe-  
gipa bilding bildang onggipa  
sninggiparangni Jisu Kristoo ka-  
dongani aro bebaanikoba tangcha-  
atpilaha. Uandake Robibar ba an-  
tini skanggipa sal Kristianrangna  
dalnikbatgimin aro namen gisik  
nangatani sal ongani gimin uamang  
krabee dake ua salko antangmangni  
Nengtakani Salna donachim.

### 3. Kristo Antangan Maikai Neng- takani Salko Maniana.

Jisuni chasongni ongmiting sal-  
rango Pharisee dolara Nengtakani  
Salni gimin mamanti jringipa niam-  
rangko skiaha, je niamrangko mani-  
na manderamramrangna nengbeachim.  
"Uamang bal jrimbea aro ripetogi-  
jarangko kae manderangni pakkreo  
gata indiba antangtang jaksi gong-  
sachiba uarangko jitna sikja" ine  
Jisu aganaha (Mati 23:4). Ua Pha-  
riseerang geeta onaha. Nengtakani  
Salo mande mik 2000-na bate reode,  
ba waalko soode, ba chaaniko song-  
ode, ba Nengtakani Salo chigimin  
dochiko chaode, ba jakchi rim.e  
(Jak 4)



kolomko de.ode, ba indakgipa namen  
bangbea niamrangko peode, Nengtakani  
Salko chonnikani ba manigijani  
onga. Da.dak, da.dak, da.dak ine  
bengani niamrangchi namen apchang-  
ket dakate ari dakatsrangaha. Ia  
niamrangko manina agre nengani  
gimin bangbea Jihudirang uarangko  
manina joton kajarangaha.

Kristo antangan ia apchangket-  
gipa Nengtakani Salni niamrangko  
manirongjachim. Maina uaranga  
Isoloni ongja, mandearioni ongaia-  
chim. Nengtakani Sal Isolko ola-  
kianina Isolni dongimin sal onga  
ine Jisu chane, ua Nengtakani Salo  
giljachi reronggipa ongachim. Uo-  
roro ua uamangni gilja nokrango  
olakipagiparangna Robibarprakprako  
skirongachim, aro uarango Jisu  
Kristoni dongpaaniara pangnan pa-  
tianiko rabaani ongachim. (Luk 4;  
16; 6:6; 13:10; Mark 1:21,22).  
Sagiparangko ansengatna ba duk  
mangiparangko kadimeatna dongode,  
uan Nengtakani Sal ongoba, Jisu  
indakgiparangko dakchakna pangnaba  
tang.piljachim. Maina Nengtakani  
Salo namako aro kasachakaniko dak-  
na kraa ine Jisu aganaha. Ia  
aselni gimin Phariseerang Jisuko  
namen matnangbee uko sootna tik-  
(Jak 5)



kele am.beaha.

Nengtakani Salo indine sea gita ongbaaha, "Ua Nengtakan Salo badiaba gilja noko skiengachim. Aro nibo, bilsil chichetmancha bilbegipa gisikko mangipa mechik saksa gngangchim; aro ua komchikachim, aro chadengsrongna amjasrang. Aro Jisu uko nike okame uko inaha, O mechik, naa nangni bilbeaoni jokaha. Aro ua uko jak dangtapaha; aro rangsan ua dingbregaha, aro ua Isolko rasong chaataha. Aro Nengtakani Salo Jisuni ansengatana, gilja nokni pamong namen namnikjae jinmarangko inskaaha, Kam kamala salara sal dok gngang; uni gimin uarango ansengatako manna rebabo, Nengtakan Salo nangja. Indiba Gitel una aganchake inaha, O chachipilgiparang, nasimangoni sakantin Nengtakan Salo antangtang matchu ba gadako gisoloniko enge chi kanna moangjama? Indide ia mechik, Abrahamni demechik onge, nibo, ia bilsil chichetmancha Satanni kagiminko Nengtakan Salo ia kaaoniko engmaljama? Uni indinoa bobilrang pilakan kratchatokaha. Aro uni dakgimin pilak rasongni kamna jinma gimik katchatokaha" (Luk 13:10-17).  
(Jak 6)

Gipin Nengtakani Salni pringo  
Jisu Kristomung sninggiparang mi  
jatchiko reangengachim. Jisu aro  
sninggiparang mi chakujachim ok-  
kriengachimni gimin ongtelataniko  
dakmale dakaha, chongmotan mi bi-  
tenggakko tengake jaktangtango  
reprepe chaaha. Unon uamangko ni-  
timenggipa Phariseerangoni saoba  
saoba Jisuko matnangninggiparang  
inaha, Nengtakani Salo dakmalgija-  
ko nasimang maina daka? Chongmot-  
an uamangni potani ua jaktangtango  
reprepaniara mi nakani kam onga  
aro Nengtakani Salo mi nakani dak-  
malgijani onga. .lamangna Jisu  
Kristo indine aganchakaha, "An-  
tangan aro un baksa donggiparang,  
manna nangan salo aro okkrian salo,  
Daud maiko dakaha, uko nasimang  
pangnaba poraikujama? Ua maikai,  
Abiathar kamal dalbatgipa ongmit-  
ingo, Isolni noko nape, jeko ka-  
malna agre chamalja, ua mesokani  
pitako chaaha, aro antang baksa  
donggiparangnaba onaha? Aro ua  
uamangna aganaha, Nengtakani Sal  
mandena ongaha, indiba mande Neng-  
takani Salna ongjachim. Uni gimin  
Mandeni Depante Nengtakani Salniba  
nokgipa onga" (Mark 2:25-28).



Indine aganon Jisu Kristoni skina mangsongani ianchim, chongmotan, Nasimang Phariseerangara manderangni namgni aro nangchongmotgnirangna bate Nengtakani Salko manianiko dalnikbata. Nengtakani Salko manignigipa mangmangsan ongchina Isol mandeko dakaha gita nasimang Phariseerang Nengtakani Salko aro mandeko chanchie geetenga aro dakenga. Indiba indake ongja. Isol Nengtakani Salko donbebeaha, indiba ua salko mandena jrimbegipa bal gita ongbaatna ongja indiba manderangni balrangko ritchengatna ua salko onaha. Jisu iarangko kurangchi skiaijachim indiba ua antangan uni skia gita dakaha.

#### 4. Nengtakani Salko Krae Maniani.

Jisu Kristoni chasongo gita daororo saoba saoba Nengtakani Salko mamanti niamrangchi apchona ari dakata. Nengtakani Salo kusimitnabe, okkribeoba chana nangchongmotoba bite rongsakoba aknabe, mamung chitirangkoba senabe, Sastrona agre mamung gipin kitapko porainabe, ramako renabe, sakgipinrang baksa rorimnabe, jrip (Jak 8)



dongaribo, gilja aro Sunday School  
rangchi mangmang reaibo, aro uan-  
dakgipa bangsranggipa benganrang-  
ko benge, ia sal Gitelni Sal onga-  
ni gimin ua salko uandake manibo  
ine pilakkon draatna namnikgen-  
chim. Uamang gitchem Phariseerang  
gita dakpilenga, chongmotan mande-  
ni nanggnirangna bate Nengtakani  
Salko rakianiko dalnikbatenga.  
Indakgiparangara Nengtakani Salko  
kasrokani gri, ansaoani gri, ka-  
dingani gri, katchaani gri, aro  
uandake uamang Nengtakani Salko  
pilakna "andala aro andalsimsim  
dakani sal" ongata, gisikko jrim-  
atani, skimatani biding sal ongata.  
Uamangara namen kragijako dak-  
enga.

*Uamangara namen kragijako dak-  
enga*  
Sakgipinrang agredugae olgroke  
Nengtakani Salko mania. Beben ma-  
nia ine inani kraja maina ua salko  
maniani pal uamang mamanti ramram  
kamko dakaria. Uamang gahonko ni-  
na rea, ramram melaarangko daka,  
anti chaa, mi raa, aro uandake  
ramram dakari Nengtakani Salko re-  
ata. Iaba Kristianna namen kragi-  
ja dakani onga.

Indake agredugae Nengtakani  
Salni niamrangko rakisrangani

(Jak 9)

mangmangkosan dalnikani aro ua  
salko agredugae olgroke rakiani  
gisepo kragipa maniani donga. An-  
ching Nengtakani Salko name aro  
krae jakkale manina skode, Jisu  
Kristoni Nengtakani Salko maniani-  
ko jariksrangna, chongmotan ramram  
kamrangko dontongna, giljachi re-  
rongna, Isolni Katako skina, duk  
mangiparangko dakchakna, kasachak-  
ani kamrangko dakna hai.

Nengtakani Salni gimn ia ming-  
niko pangnan gisik raode anching  
burungo brangjawa, chongmotan (1)  
Isol ia salko angna onmanaha mai-  
kai anga Isolko nambate uibaani  
cholko mandapgen; aro, (2) Anga ia  
salo ramram kamko kana nanggnichi  
champenganiko mangija anga bangbata  
kasachakani, kasaako mesokani kam-  
rangko dakani cholrangko bikote ua  
nama kamrangko kana ama.

Ramram kamko dontonganiara  
Nengtakani Salko manianina skang-  
gipa nanggni onga -- "Sal dok naa  
gambo, aro nangni pilak kamko ka-  
bo; indiba snigipa sal Jihova  
nangni Isolna nengtakani onga: uno  
naa mamung kamkoba kanabe" (Reong.  
20:9,10).

(Jak 10)



Kristianrang ua salo antang-  
tango gilja nokrango tomdakattoke  
Isolko olakichina, uamang Sunday  
Schoolona reangchina. Ia saloba  
Kristianrang antangtangni gisikni  
janggiko ansaoatna gita mitinona  
reange sriksrik Isolo bina aro Uni  
Katako poraie uano chanchibewalna  
manna gita cholko dakode, nambegen.

Nengtakani Salni mangsongara I-  
solko olakiani ongaija, indiba un-  
baksaba kasao aro toromni biding  
onganio aro Kristoni kasaani niam-  
ni kri sakgipinrangna dangdike on-  
ani aro dakchakaniko on.gni sal  
onga. Jisu Kristo ia salko uan-  
dake jakkalrongachim.

Uni gimin Isolko olakirongan  
baksa sakgipinrangko dakchakani  
cholko am.china, andalao donggipa-  
rangna Nama Katako skichina, duk  
mangiparangko kadimeatchina, bil-  
grigiparangko bilgrigiparangna  
bilko On.gipaona redilchina, sa-  
giparangko kadimeatna aro kadong-  
atna gita uamangona reange rop-  
china, aro gipin gipin uandaka-  
rangko dakchina. Uandake Kristi-  
anrang ia salko krae manina mana.

Antini gipin salrango antang-  
(Jak 11)



mangko alduna kam kana nangani  
gimin sakgipinrangko dakchakna ba  
uamangna dangdike onani chol donga  
dipet onna amjanaba donga. Indiba  
Nengtakani Salo gipin ramram kamko  
döntongatani gimin sakgipinrangna  
ia kasachakani kamrangko kana nam-  
bata chol onga.

Nengtakani Salo kasachakaniko  
mesokna krabea. Mandeska ba jil-  
lanirang ba indakarang Nengtakani  
Salo duko gaakode, uamang ba ua-  
rangko dukoniko jokatna mamung  
champengani ongja. Batesa kasaani  
niamara ua kamko dabia.

Nengtakani Salko antangni mani-  
ani gimin iako gisik raode nama,  
chongmotan, kasagrikani niamara  
iako dabia, anchingni Robibarko  
nianianiara sakgipinrangni Robibar-  
ko manianiko champengna gita ba  
cholko gimaatna gita ongjachina.  
Robibaro je dakania, je kaania, je  
kusi ongatania sakgipinrangni Ro-  
oibaro Isolko olakianiko, aro gi-  
sikko ansaoataniko, aro kasachaka-  
nio mandeskarangna dangdike onani-  
ko champengsranga, uarangko gelode  
nambata.

Kristianrangni Nengtakani Sala-  
(Jak 12)

ra indigita namgipa, katchaatgipa, ansaoatgipa, Isolni sepangbatona ongbaatgipa sal ongbachina, maikai uni bilara aro ansaoataniara anti ni pilak gipin ramram sal dokni kosako namen bilko mane anti gimiko cholonni namroroanion, Kristo baksa repeanion, kasaa dalroroanion, rongtalbatroroanion, Isolko olakianion nambegipa bite nangatgipa onggen. Ian Nengtakani Salko krae aro gisik gnange jakkalani ongbebea. Ia aselni gimin Isol manderangna Nengtakani Salko onaha.

##### 5. Nengtakani Salko Maniani Gimin Nengnikanirang.

Ua nengnikanirangni gisepo iarang gnang. (1) Robibaro begal sikani, (2) Cha.e tangani kamni biding nengnikanirang, (3) Robibaro antini gimin nengnikanirang, (4) Ua salo rama reani gimin nengnikanirang, (5) Sobarango Robibaro palani, (6) Gipin gipin nengnikanirang. Iarangko chanchina hai.

(1) Robibaro Begal Sikani Gimin  
Nengnikani.

Iani gimin Kristianrang ja-  
(Jak 13)



jrengna nangja, maina begalni gim-  
in Sorkarini ruutana skang on.a  
hukumko kamao mesoka, chongmotan:

"It is notified for informa-  
tion of all concerned that Christ-  
ian Garos are exempted from forced  
labour on Sunday. Sd/- H.M. Halli-  
day, D.C., 17-6-1913." Iako Achik  
kusiko donskaode indake onga:

"Pilak nangchapgiparangna uiatani  
gita iachi uiatenga, chongmotan  
Kristian Achikrang Robibaro drae  
begal sikaoni watchangako mana."

Begal sikdraani aselara nangbe-  
gipa asel ongchongmoton Kristian  
mandeko sikdraosai?

Gisep gisep asel nabagen jen-  
salo Kristian mandeko Robibaro be-  
gal rimgen aro Kristian mamung je-  
chakani gri, kusi onge reangpaode  
kraa aro nama. Ua aselrang bang-  
jawa, chongmotan saniba janggiko  
jokatna nangengode, ba namen nang-  
begipa asel ongkatode. Indonga-  
rango Kristianrang Robibaroba je-  
chakgija, aratgija, kusi onge ken-  
chaka gri begal reangode kraa.

Nengnikani ian, basakoba basak-  
oba laskarrang aro mauzadarrang  
(Jak 14)



Kristianrangko Robibaro begal rimosai? Governmentni kam kagiparang Robibaro Kristian mandeko begal sikdraatode, ua Kristian mande je chakgija manie reangpabo, indiba draatgipa mandeni bimungko, tarikko, je biaponi je biapona redraata uko, aro saki onpagiparangni bimungrangko Deputy Commissionerna chakchikgija bakbak uiatna nanga.

Robibarko manironggijagipa Kristian ua kosako sea niamni patianiko manna krapagipa ongja. Kristoko kamchi manigijanichi je chakgipara ia niamni salakimo dongkampana kraja. Robibaro Kristianrang ramram kamrangko karongode, Robibaro Sorkarini begal rimosoni jokna gita antangni Kristianonganiko aganode indakgipa mande chachipilgipasa ongaia ine pilaka: uia, aro indakgiparang darang mande deskarangni chonnikako manna krapilgiparang onsranga.

Robibarko rakiani gimin Kristianrang iako uibo, Robibaro begal rimani hukumko Sorkarini jarikani ara Kristianrang antangtangni Robibarko maniani kri ongbatgenkonchim. Kristianrang antangtangan Robibaro badingode, anti chaode,

abarango kam kaode, melaarango  
dakode, wachaprangko choode, aro  
ugita kamrangko dake Nengtakani  
Salko ramram ongate reatode, ua-  
mangni Robibarko maniani gimin aro  
antini gipin salrangko maniani  
gimin mamung dingtangrikani dong-  
jaode, Robibar salo Sorkari indak-  
gipa Kristianrangko drae begal  
sikode, uamangna warachakgipa gri-  
gen, aro uamang antangtangni sat-  
gimin bitchrini bite nanganikosan  
chaaigenchim.

(2) Cha.e Tangani Biding Neng-  
nikanirang.

Nengtakani Salko krae maniani  
gimin minggipin nengnikaniara, ba-  
sakoba basakoba antangko aro nok-  
tangko alduna Nengtakani Salgimiko  
giljachi regni chol grisrangpilgip-  
a rokom kana nanggni kamo Kristian-  
rang donga. Railo, companyrango,  
policeni kamo, tikka ragiparangni,  
Sorkarini ningo ba uandakgipa gip-  
in gipin kamrang gnang jerangan  
Nengtakani Salgimiko kam kaaniko  
dabia. Iani gimin Kristian maiko  
dakna nanga?

Skanggipa kupatiani ian, je  
rokom kamara jringjring giljachi  
(Tak 16)



reani cholko champenga indakgipa .  
rokom kamko Kristianrang gelsrang-  
ode nambata. Dao indakgipa kamko  
kaengode, bil amadipet bakbak gip  
in kamo napskaode nambata. Unbak-  
saba chol donga dipet, Nengtakani  
Salo ongbo ongjabo, Isolko je ola-  
kiani cholrangko mana, Kristian  
ripengska sakgni sakgitam baksa  
Isolko olakipaani ongbo, Isolo bi-  
chakani tomaniona reangani ongbo,  
noktango Sastroko poraiani, uko  
chanchibewalani, Isolo bichakani  
ongbo, indakgipa cholrangko bim-  
chipe jakkalbo. Ua Kristian in-  
dake dakbebeode Isolni aro uni gi-  
sepogipa rama dikpriprangjawa.

Jeba ongchong anga uia, basako-  
ba basakoba indakgipa kamna agrede  
gipin kam kaani cholko nikjasrang  
aro noktango alduna nangani gimni  
uandakgipa kamko kana draatako  
mana ine ua kamko kagipa mande  
chanchia. Indakgipa salo Kristian  
maiko dakode nambata?

Minggnini gisepo ua mingsako  
dakna mangan: (1) Ua ua kamko kana  
jehaksrange bimchipbee, gipin  
kamko am.e, kam kaani cholni gimni  
Isolo kadongsrange, pangchaksrang  
e, Isolna sengsochina; ba, indake

dakjaode, (2) Ua ua kamko rachina, indiba uko kamitingon Kristianna krabatgipa kamko gipin kaani cholko ua am.na nanga.

Skanggipa chol kadongsranggipa Kristianrangni dakgni ongen, indiba angni gnigipa mesoka cholara Isolo kadongbregijagipa Kristianrangni dakgni ongnaba donga. Indiba ramram ongarigipa Kristianrang onggija, namsranggipa, Isolo pangchaksranggipa, matgrik onggipa Kristianrang ongbo, -- jerangan antangni beberaani asel duk chakna ba janggitangko onchakna tang.pilgijagipa Kristianrang ongen, indakgiparang ongbo. Jisu Kristoni indine agane inaniko gisik rabo:

"Maiko chagen ringgen ine nasimangni janggina, aro maiko gangen chingen ine nasimangni beenna sintenabe. Chaanina bate janggi, aro gana chinanina bate been batjama? Sakoni dodrangko nibo, uarang satja, aro raja, aro jamo chimongja; indiba nasimangni salgini Paa uarangna alenga. Nasimang uarangna bate namen nambatjama? . . . Abao donggipa bibalrang maikai chaa nie chanchibo. Uarang gamja, aro kildingba rikja; (Jak 18)



indiba anga nasimangna agana, Sol-  
omonba, uni rasong gimikon, ia-  
rangoni gesa gita nitoe ganja  
chinchim. Indide daalo gnange,  
aro knalo chudapo galako mangni-  
gipa abaoni samko Isol indake gan-  
atchinatode, O beberabregijagipa-  
rang, ua nasimangko batesa ganat-  
chinatjagenma? Uni gimin, Maiko  
chagen, ba Maiko ringgen, ba Maiko  
gangen chingen ine sintenabe; mai-  
na ia pilakkon nasimangna nanga  
ine, nasimangni salgini Paa uia.  
Indiba uni songnok aro toromko am-  
chengbo, unon ia pilakkon nasimang-  
na ondapgen" (Mati 6:24-33).

Saoba chanchinaba donga, Jisu  
Kristo kosako sea gita aganon ju-  
mang nikarigipasa onga, ia ramram  
agilsakni manderangni aro obosta-  
rangni gisepo pilakba uni skianiko  
jarikpana amjawachim. Indiba ja-  
rikpana manbebea, Jisu jumang nika-  
arigipa ongjasrang. Ua Isolko uir-  
sranggipa aro mandeko uisranggipa  
ongachim, aro Jisu uia, antango  
kadongsranggiparangko Isol pangna-  
ba watgaljawa. Uni Songnokko am-  
giparangni pilak ongronggipa aro  
ongronggijagipa nanggnirangni gim-  
in Isol simsakbegipa onga.

Angni beberaani ian, aro reang-  
gimin banga bilsirang reangmiting-  
on uni bite nanganiko pilnipil  
anga antangan nikmanani gimin,  
ango ia beberaani mangrakatako  
namen manbeaha, chongmotan, Kris-  
toni asel, chongmotan una pilakna  
bate kasaani gimin aro uni namnik-  
ako daksrangna sikbeani gimin, uni  
Songnokni namgni aro rebaaniko  
pilak gipinna dalnikbatani gimin,  
labko ba mandapani cholko ba Kris-  
tianna kragija gamani cholko wat-  
galgipako Jisu Kristo watgaljawa,  
indiba antangni namnika ba mang-  
songa gita gipin cholko una bikot-  
atskagen.

(3) Robibaro Antini Gimin Neng-  
nikanirang.

Nengtakani Salko krae maniani  
gimin minggipin nengnikaniara Ro-  
bibaro anti chaani onga. Je India  
asongo anching Kristianrang dong-  
kamenga daona kingking namen bang-  
bata manderang Nengtakani Salko  
manirongja. Ua sal indakgiparang-  
na ramram sal onga. Uamang Kris-  
too beberakuja dipet ua salko ram-  
ram sal gita chanaigen. Aroba ua-  
mang namen dalbatgipa dol ongani  
gimin, aro Robibaro anti dongoba,  
(Jak 20)



uamangna mamung subidha onggijani  
ongjani gimin, uamang ua Robibar  
salko antini gipin salna srena  
gongjawa, Sorkario molmoloba Sor-  
kari salko jitatjawa maina antini  
salni gimin Sorkari dalbata jinma-  
ni namnikaniko dakaigen. Uan kra-  
e. Chonbatgipa dolni molmolchaka-  
niko knachakjaode, Sorkariko mat-  
nangani asel grisrang.

Jeba ongchong indakgipa Robi-  
barni antiko gipin salna srechina  
Sorkario molmolna mamung champeng-  
ani gri aro mamung gimaaniba dong-  
jawa. Indiba indakgipa antiko  
chagiparangni gisepo Kristianrang  
namen bangbata dol ongjaode, ba ua  
antiko charongpagiparang Kristian-  
rangmung baksa songsarikrangba  
bakrimpae molmolchakgiparangko  
chuongatna gita molmolchakpajaode,  
Sorkari mamungkoba dakjawakonchim.

Indide Robibaro antini salko  
gipin salna srena manjaode Kristi-  
anrang maiko dakgen? Kristianna  
krabata dakgni ian, gipin salo  
charonggipa, gipin antichi ree, ua  
anti cheloba, uno badingchina, ba  
nanggni bosturangko brechina.  
Chelachi rena nanggen ine saoba  
saoba gonggijagiparang pasike ager

naba donga. Oe beben. Indiba ua Robibarni anti dongjagenchimode, uamang jeba ongchong chelbata antichi rena nanggnigiparang ongskaai-genchim. Tura aro Bagmara antiona rebagiparangko chanchibo, uamangoni adita banga salgnini ramako rebaronga. Aroba Kristianrang antangmangni Kristoo beberaaniko kamchi kurachakna sikchongmotode, Robibaro anti chana nanggniko gelna gita badiaba gipin chelkalgipa antiona reangskana ama. Indakgipa kamara "Isolni Songnokko amchengbo" ine Jisuni geetaniko manisrangani biding kam onga. Je Kristianrang antangtangni beberaani asel anti chana chelkale rena gong.a, ua Kristianrangko okni Kristianrang ine pilakba mingna amjawa.

Anchingni aselni gimin Kristoni dukni ramako reaniko gisik rabo. Ua Golgotha minggipa biapchi doange nengbegipa duk mangnini gananggijagipa ramako rena Jisu gong.gijagipa ongjachim. Ua ua dukni ramako resrangaha, ua chisolni dukrangko chakchikaha maikai ua chelkala antichi reskana gong.-giparang aro gong.gijagiparangba Isolni kasaako uie paponi jokatako (Jak 22)



mangen. Kristoni asel Robibarni antiko chana nanggniko gelna gita chelkalgipa antichi reskaani gimin nengdapaniko chakchikna angija, ba gonggijagipa Kristianrang Kristoni manderang baksa chanchapako manna krabreja.

Robibaro manderang anti chorongara anching Kristianrangna, Isolni okamani gita onga, chongmotan Uni Nama Katako bimchipbate aganprake giproroatna okamani onga, maikai bangbata manderang Nama, Katako knae, gisik pile, pap watako mane anching baksa Robibaro Isolko olakipagiparang ongen. Ua antirang donga dipet Kristianrang Nama, Katako skiangkuna nanga, maina ua antirangko bonataniara jinmani gisik pile Isolona an.pilani onga.

(4) Robibaro Rama Reanini Gimin Nengnikanirang.

Nengtakani Salko krae maniani gimin basakoba basakoba ua salo ramako reani nengnikani onga. Saoba saoba chanchia, Robibaro rama reani pap onga. Oe, onga beben, melaarangona ba ramram kam kana ba indakarangni asel rama reanirang Nengtakani Salko krabee reatani

ongja. Sorkario kam kagipa Kris-  
tianrangni gisepo mongsongde iani  
gimin jagidotani aselo chadenggip-  
arang ongbata. Umangoni saoba  
saoba ua biding dakna draataniko  
dakpana jechake warachake antang-  
tango matgrik ine mesokpachong-  
motaha.

Robibaro rama reani gimin an-  
ching maiko dakna kragen? Anga  
antangna ia niamko dona, Nengtak-  
ani Salo angni rama regni Isolni  
Songnokni asel, uko rikna, uko  
mangrakatna, uko skina, uko gip-  
roroatna, uni biding kasaani ba  
kasachakani kamko kana ongbebeode,  
ua rama reani krabea, aro uandake  
reahani gimin anga antangan neng-  
beoba ua Nengtakani Salko name aro  
krae reatmanaha ine katchae chana.

Robibaro Kristianrangni rama  
reani badita chelaona rena kraa  
ine saoba singode, kraa aganchaka-  
ni ian, badita chelachi Isolna aro  
Jni Songnokna dangdike onna kasara  
draata, uan mile sa ongbo ba mile  
ritchasana bate ongbo, indita  
chelachi Nengtakani Salo rena kra-  
a. Nengtakani Salo Isolni kamko  
kana chelachi reenba antangni bil-  
ko koros kana nangoba, ua dangdike  
(Jak 24)



onani cholko manani gimin Isolko mitelaibo. Nengtakani Salo ramako reani chelaniko niamchi ari dakatna amja. Kristianna indagipa niam grisrang. Kasara aro dangdike onaniko nanggnigiparangni nangarangsangsan ua ramani chelaniko ari dakataia.

Chelgija ba chelbegipa ramako reanichi ongchong, kasaa ripengrangni ba bobilrangni namgnirangko dakanichi ongchong, classko skianichi ongchong, sagiparang baksa roanichi ongchong, kangalrangko dakchakanichi ongchong, patoko donggiparangona reanganichi ongchong, jakchi ba typewriterchi se anichi ongchong, kitapko poraianchi ongchong, Sastroko skianichi ongchong, Sastroko poraie chanchibewalanichi ongchong, iarangko aro uandakarangko Nengtakani Salo dakanichi Isolni Songnokko rikna ba giproroatna, Kristoona saoba branggipako ba gimaenggipako sepangbatatna manode, uarangko Robibaro dakna badita chelachi reangna nanga indita chelachi ua Robibarena kraa, aro reode nama.

(5) Robibaro Sobarango Bostu  
Palani Gimin Nengnikani.

Sobarango bangbea Kristianrang  
temparongani gimin uarang dongdul-  
enggipa songrangogipa songsarik-  
rangna anchingni Gitel Jisu Kris-  
toni gimin saki onpana nambegipa  
chol onga. Sobao Robibarko Kris-  
tianrang damsan pilakan Kristian-  
rangna krakra manipaaniara mingsa  
nambegipa saki onani chol onga.  
Indiba sobarango anching Kristian-  
rang Isolni ongimin Nengtakani  
Salko mamantirangko pale rongtal-  
jaatode songsarikrangna anchingni  
saki mai? aro Isolni nikao anching-  
ni tombapaani namgni mai?

Paul indine seaha, "Mitu mitu  
ingija, aro jegrikgija pilakkon  
dakbo; nasimang maikai matnanga  
gri aro sontol, gonggea aro brang-  
gipa chasongni jatchio jongsik  
chalwenggija Isolni dedrang ong-  
gen; jerangni gisepo nasimang,  
janggih katako snile agilsako  
tengsugiparang gita tengsua"  
(Phil. 2:14-16). Indiba anching  
Kristianrang sobarangchi ree Isol-  
ni Nengtakani Salko chonnikode an-  
chinga "matnanga gri, gonggea aro  
branggipa chasongni jatchio . . .  
(Jak 25)



janggini katako" maikai snilna amgen?

Sobarango Robibaro bosturangko palaniko anching dondikatna ama. Maiba sobarang uko dondikatchongmotaha. Dao Dalgipa Sobaba ua niamko donaha aro kario Dalgipa Sobao Robibaro bostu palani dongjawa. Iani gimin Isolko mitelchina, indiba ia niamko tikkele manitokchina.

Robibaro bostu palna nangjana gita Sonibaro breskaode achakrang beenko chaue chagen ine ina. Beben indake ongnaba donga. Indiba anching ua Robibaro beenko chagija dongna ama. Achik manderang salprakprako beenko charongja. Roman Catholicrang antiprako Sukrobarprakprako beenko chagija donga. Jisu Kristona uamangni kasaanina aro bamanina bate anchingnin komibatama jedakode salsana been chagija anchinga dongna amjawama? Amgen ine anga beberaa.

Ia onгани baksa Paulni indine skianiko nangrimgrikatbo, "Beenko chagija, ba draka bitchiko ringgija, ba jeo nangni jongada jagidota uko dakgijan nama. . . . Uni gimin  
(Jak 27)

chaani angni jongadako jagidotatode, anga jringjrotna beenko chajawa, anga maikai angni jongadako jagidotatjawa" (Rom.14:21; 1 Kor. 8:13). Jisu Kristona kasaani asel aro anchingni bilgrigipa jongadaskako jagidotatjana gita anching Sobarango Robibaro beenko chagija dongna amode, jedakode Robibaro postu palaniko champenge uko dontongatna mangen, anching Kristianrang cheaniko manbaaha.

(6) Robibaro Gipin Gipin Dakanirangni Gimin Nengnikani.

Mamanti gipin gipin nengnikanirang gnang jerang mingprakprakni gimin dingtangmancha niamko dakna amja. Uko giticham chasongogipa Phariseerang dakaha, aro mandeskarangko dakchakani pal ua niamrangara uamangna jrimbegipa balrang ongbaachim. Anchinga uko dakna nangja.

Robibarko manianina mangogpipa niam dongode uan ian ongenchim, chongmotan, jekai Jisu Kristo aro uni sninggiparang Nengtakani Salko maniaha, uandake ua salko manipabo, chongmotan giljachi ree Isolko olakibo, aroba chol donga dipet ua (Jak 28)



salo kasaani aro nama kamrangko kabo aro kasachakanio sakgipinrangna dangdike onbo. Uandake dake Nengtakani Salko reatode, ua salko krae manipagipa onga.

Aroba ua salo mairangko dakna nangja? ine singode, aganchakani ian, chongmotan, je dakaniranga nangni ba sakgipinni Isolko olakianiko aro kasachake dangdike onaniko champenga, uarangko da.dak.

Ia dakgni ramram aro ua dakgni ramram ongja ine basakoba tale uina amjanaba donga, maina ua dakgnini mangsonga mai uko uijana kingking dakgnini gunko uipaja. Isolni Songnokko am.ani biding kam, ba antangna labko ba gamko manatani biding kam uko chanchiesua singanina aganchakna amaia. Isolni Songnokko am.ani biding kam ongode Robibaro uko dakode kraa, indiba antangko rasong chaatani ba chuatanani ba labko manatani biding ongode uko gelbo.

6. Robibarko Krae Manianio Mondoliko Dakdilenggipa Kristianrangni Dai Nanggni.

Robibarko krae manion mondo-

(Jak 29

liko dakdilenggipa pamongrang,  
procharokrang, masterrang, skiako  
mankalgipa meaparang aro pante-  
rang, mechikmarang, mistressrang,  
skiako mankalgipa mechikrangni dai  
nangani dala.

Robibaro anga iako ba uko dak-  
oba angko mamung jagidotatani ong-  
jawa ine saoba innaba donga. In-  
diba iako dakaniara angni chongipa  
bilgrigipa skiako mangijagipa be-  
beraanio mangrakatako mangijagipa  
jongada noabini kosako mai ongen?  
Uamangko jagidotatgen ba uamangko  
beberaanio bilakatgen aro mangrak-  
atgenma? Ian Kristoo donge bil-  
gnanggipao kasaanini dabiani onga.  
Bilgnanggiparang bilgrigiparangni  
gimin chanchina nangpara, uamangni  
ballo ripechakna nanga. Anching  
antangtangnasan tangaja indake  
ongja.

Dakdilenggipa Kristianrang  
brangdilgiparang ongbaskaode, ski-  
ako mangijagipa Kristianrangna  
name dilani baosa? Mondolini dak-  
dilenggiparango uan pangchaka.  
Skiako mangipa Kristianrang, leka-  
porako mandapgipa Kristianranga  
Nengtakani Salko manina simsakgi-  
jagiparang onge, Kristoni mes bisa-  
(Tak 30)



rangko brangdilode uamangna aiao!  
Indakgiparangni gimin Jisu indine  
aganaha: "Je mande ango beberagipa  
ia chongiparangoni saksako jagid-  
otatgen, uni gitoko jatani roong  
dalgipako kadingdee uko sagal tu-  
ao dubiatan una nambata. Aiao a-  
gilsakna, jagidotanirangni gimin!  
Maina jagidotanirang onгна nanga  
indioha aiao ua mandena, jechi ja-  
gidotani ongnen!" (Mati 18:6-9).

Kristian mondolini dakdilgipa-  
rangni dai nangni dala. Uko ua-  
mang gelna amjawa. "Bange onako  
mangipaoniko bangako dabigen; aro  
bange donako mangipaoniko uamang  
bangbate biskagen" (Luk 12:48).

## 7. Chonkamani Kata.

Jerangan Isolni on.a Nengtakani  
Salke krae mania uamang gisiko  
jenggi tanganio aro beenoba neng-  
takaniko aro ansaoataniko mangen.  
Uamang Isolko aro Uni rongtalanini  
rongtalako aro Uni kasaanini tu.a  
aro apala aro chuako talbate ui-  
gen. Uamang Isol baksa kimkim  
onggipa rengsi manpaaniona nape-  
gen. Batesa uamangara Kristian-  
skarang baksa nambatgipa nangrim-  
grikaniona napegen. Robibarko

(Jak 31)

krae manianiare antini gipin sal  
dok ongmitingo tomtomaniko patia-  
niko mane chagen.

Kristianna Robibarara janggi  
tanganini nengtakramrang onga, jeo  
sal dokni nenggipa ramako ree mat-  
chotoa, nenggipa chi ringna aro  
kasinkala salakimo nengtakna mana.

\* \* \* \*

Jisu "Nazarethona rebaaha; aro  
antang dakbewal gita, Nengtakan  
Salo gilja noko nape poraina cha-  
dengaha" (Luk 4:16). "Uamang Ka-  
pernaumo napa; aro Jisu bukan  
Nengtakani Salo gilja noko nape  
skiaha. . . . Aro atamo, sal napoa,  
uamang pilak sagipa aro kore cha-  
giparangko uona rimbaaha. Aro  
song gimik tomtokaha. Aro ua ma-  
manti biati mangipa sagiparang  
bangbeako ansengataha, aro kore  
bangbeako arikataha" (Mark 1:21,  
32-34). Nengtakani Salo giljachi  
ree Isolko olakie mandeskarangko  
dakchakna, kasae nama aro kasa-  
chakani kamrangko kae, anching Ji-  
su Kristoko jarikpae, Isolni on-  
gimin Nengtakani Salko krae mani-  
pana hai.





